

友林乙稿

一冊

4845.2
5013

景

林

家

一

又

藁

 	景	百	高	丁
	印	宋	氏	巳
	清	書	蒼	十
	道	藏	茫	月
	人	祕	齋	華
	題	本	借	陽

友林乙稿

宋刊

顏廷選



題

後百宋一塵鑒藏宋刊
孤本尋林之藁一卷

丙辰十月朔日

寒露



躋文林之逸品僂聲價於吉光此百宗一座賦中語也黃苑翁注謂真本流譽娟秀並饒古雅之趣在宗繫中別有風神未容後末摹倣也余跋之目為逸品云々百宗一座書錄又謂序文似不全并多描寫字首尾多鈔補半葉以詩證之當是全本登雁峯一首割去九字以素紙補空未知何故耳尚有天錫收截印卷末有學古一印審是元人圖章云々觀此則此書雖無苑翁跋印其為士禮居蓋物無疑矣他惟爾宗陸氏有此書也歸海外惜哉乙卯七月十三日寒雲



甘泉鄉人崇云友林乙崇余蓋截明刻摹宗本甚精
間吳門黃氏有宗版惜未見為目今在汪閔源家蓋
士禮秘籍多歸執芸此其一也同日寒堂又記



曾讀儀鎮題跋以其友林乙崇即黃氏故物深
為惋惜止尋此冊頗疑之交觀此序至擬拾友林
詩崇云其百七十首四字係刻去補填原刊當是
與甲崇同序後因佚去故改其序字以就乙崇
覆刻者即據以付梓而宗刻之傳世入明即已無多
至清則恐人間無第二本矣顧宗書日所系序文
與此本同想亦覆刻本也信二處書目亦有此書注
為宗刊亦覆刻無疑蓋覆刻精者未見真本處
莫辨其真偽况陸氏朱氏皆身食者流已隨晚近
截家之風為其恥也宣武二十六月又記於清涼山下寒堂



天問
鈔本

歲在乾道之癸巳

三十一
卷之八

劉

太師文惠魏王先生帥閩越以庠序

諸生蒙眊昧寵甚侍立函丈飽聆博

詩埒黃陳詞轍晁晏片文單字膾

炙士林越時年二十有一於甲午僭

賡燈夕所和寶鼎現詞以獻最沐稱

賞先生今在天為修文郎久矣法

文

天

天

天

法人間無復聲容不自意後四十年
墮影湘南乃得親炙

春坊領閣公之幕下摛文琢句追古
作者惟其有之是以似之郁然伯父
夙烈典刑固存凡兩霜侍席掇拾
友林詩藁得百七十首明作莫傳士
爭借錄腕爲之脫藁竊命二錄之



友林乙藁目錄

青山

覓句

客舍瓦池

讀杜詩

東還

啼鵑

曉望雲氣平凝前山遮盡僅餘翠峰





數點因賦

送伍啓之赴嚴陵比較務

南湖靜寄

夏日小酌

火雲

寄屈英發

東湖汎舟

詩髯

張氏溪館

春宵

疇黃雲夫用所寄詩卷中韻

寄雲夫

維則菴追涼題月湖屏間詩後

送鄔文伯

江亭晚思二首

鄭中卿惠蠟蟀

埜塘秋鷺

紫笑

過臨江

歸航

即事

聞笛

紅雪

舟中

翟簿示似中秋高作命意暑語殆與
商素爭清讀至人與月忘年之句

☳ 不覺擊節借五言爲韻賦詩荅謝

按圖志去城而南有巖曰金紫昔蕭

☳ 千巖擅一世詩巖乾道間嘗寓家

郡之西湖意其必有題詠鏡之崖

壁一日訪之則了無所睹方重爲

此巖太息而別乘示似佳篇勉之

著語以紀其勝賦五十六字

題清湘管善庸青雲樓

晴江觀鴨

啜茗

秋蘭三絕

簷滴

陸放翁畫像

評詩

懷白石

雙清樓賦水雲分韻得齋字

題劉君鼎臣盤谷圖

懷歸

荷恩堂

邵陽

弔和靖

菊

萸

燕

寺中觀梅

雲山詩境

鳩

蟹醬

和雲夫武攸見寄韻

大閱

次韻黃倅喜雨

六亭爲邵陽登覽之勝識其名於千
巖之詩稔矣迺今僅存其一方欲
次第尋訪臣仍舊貫不謂薄領得
我心之所同然春容大篇率先作
倡而令君和章亦復繼至閔免賡
酢用肩吾人相與祈成之意

僧窻

賦鴈

通守黃子說解印造朝之日江梅輒
花天其或者以相行色耶取風人
託物之義賦詩餞別致繾綣意

登鴈峯

溪橋

絕湖

讀楚騷

郡圃紅白蓮競放斐然短歌呈似席

間諸文

題湘西廖次高水南真趣

王令君惠示用少陵韻奉和

題臨川晏子直百花林

寄慥齋弟

繡衣行送趙道中寺丞

賦桂隱用王從周

鐫韻

次韻陳慈明五絕句

次韻王令君禱雨用杜草堂韻

邵陽郡圃梅坡

和黃倅懷歸

題蕭氏竹坡

讀千巖續藁

丁丑歲中秋日劭農於城南得五絕

句

送武岡法曹江叔文

靜吟

小軒窠石

和邵陽張茂才青蓮花韻

贈蘇道士

雨中覓句

過梅塢

題它山善政侯廟

竹所夜思

再次王宰翟簿喜雨聯句韻

妙峯亭晚望

次韻黃貳車三絕句

賦棲真觀月季

六亭

詩禪

吟天

東林雲上人見過

西風

木犀

觀畫



次鄔文伯城南夜歸韻

送陳法曹文卿兼柬松窓

偶述

送蘇道士

懷歸

訪孤山

霜柳

燈夕

老境

再入湖南境

暑夕汎月次王令君韻

無詩

周晦叔所宅之左一坡隱然而高有

竹萬箇架小軒於翠霧蒼雪間日
彈琴讀書其下軒外鳴泉清駛若
與弦誦之聲相答愛其境勝爲賦
一絕

浮驂

書蘇道士江行圖後

有惠廬山圖者

香澗老子示似玉林首倡極道竹溪

宴月之樂玉林勉以屬和

梵琮師以詩惠茶筍

又次韻楊梅三絕句

和翟主簿

催花

看李成畫

木犀重開

曉發嚴瀨舟中和戴叔振韻

丫頭巖

題兩巖
丫頭月巖

新喻道上

和潘帳幹二首

次韻觀音寺訪木犀已過

林園

炊烟

鷺鶻林

閑居

嬾不作詩覺文房四友俱有愠色謾

賦

過楮洲行散

贈臨汝曾醫士

孤山

春莫同社會飲張園小樓分韻得

飛字

參政宣獻樓公挽歌辭

庵居

伊誰

和叔振曉上梅坡小亭

六亭宴雪

喜閑

紙帳

十里

再賦晏子直百花林

溪流

弔湘纍

夜窻書事

送鄔女伯歸侍臨川二首



楚望


邵陽界上同友人山行

醴陵道上飲別故人被酒困坐竹輿


因賦

友林乙藁目錄





友林乙藁



四明史 彌盛



青山

青山見我喜可掬我喜青山重盃簪石鼎
車聲煎玉乳竹鑪雲縷試花沉三杯暖熱
淵明酒一曲淒清叔夜琴莫恠相看能冷
淡交游如此却情深

覓句



山院清吟雪作堆錦囊開口等詩來尚嫌
句裏欠平淡忍冷巡簷看老梅

客舍瓦池

片石玲瓏水抱根巧栽松竹間蘭蓀怕人
觸弄魚兒活踈織筠籠護瓦盆

讀杜詩

滿地干戈老厭逢酒杯詩卷託孤忠自從
風雅離騷後數到而今無此翁

東還

及瓜賸喜發南州
納納春光銷客憂
細麥風前藍袖舉
新秧水面綠鍼浮
行程又過山深處
歸夢還尋天盡頭
收拾懷鄉舊詩藁
探先封寄與沙鷗

啼鶻

點檢園禽誰口多
錯嫌百舌逞嘍囉
春歸恠見難留駐
攬掇元來却是他

曉望雲氣平凝前山遮盡僅餘翠
峯數點因賦

障山可柰白雲何露出峯尖能幾多宛似
羣僊粉墻外髻環歷歷見青螺

送伍啓之赴嚴陵比較務

又作中年別西征難強留挂帆衝雪浪懷
牒董糟丘嚴瀨未爲遠陟雲良易收功名
吾拭目老氣尚橫秋

南湖靜寄

繚蒹南湖屋數椽
鷗邊一壑許儂專
小軒東面雲生樹
曲檻前頭水接天
餽客清風無盡藏
可人明月不論錢
愛閑聞取身頑健
逸老祠旁理釣船

夏日小酌

拓窻一粲俯晴川
儘放薰風到酒邊
小待夜深清月上
藕花影裏榜漁船

火雲

酷甚驕陽似杜周
火雲焰焰雨悠悠
平疇龜兆何曾潤
蒸得田夫汗轉流

寄屈英發

好在靈均幾葉孫
棲遲何事尚衡門
騷章憤世今誰厚
忠槩傳家君獨存
夜雨短檠能搢搢
春風逸翮定軒軒
有書難倩南征鴈
巫水黔山勞夢魂

東湖汎舟

扁舟去穩似乘槎
瞥眼輕鷗掠浪花
絕愛陶公山盡處
淡煙斜日幾漁家

詩髯

薄劣東風性叵常
欺人老去頓炎涼
夜來解盡池塘凍
不到詩髯點檢霜

張氏溪館

景物自相投
茅簷俯碧流
鏡中雙鷺下
畫

裏幾山秋日落誰橫笛江寒獨倚樓有人
過裴迪問是輞川不

春宵

角聲和月透牕紗驚起啼晴半樹鴉攪亂
先生眠不得一庭春露濕梨花

醜黃雲夫用所寄詩卷中韻

詩編旅吾前火齊間木難讀書二十載
哉師阿瞞相期簡正始可但黃初間想當

醉吟時意覺瀟湘寬
吾廬切東溟遲子同
遐觀

寄雲夫

黔國相逢地
蒼燈共夜篝
雲龍念東野
栢馬歎之杲
郵傳一分手
河山再見秋
交情如繾綣
不在寄書稠

維則庵追涼題月湖屏間詩後

淋漓醉墨灑屏間
迤暑祇園闖一斑
小阮

詩懷飽立壑可無隻句餉江山

送鄔文伯

一卅鄔文伯三生鍾子期風流到尊俎
醕倡迭堦簾去掉趨蘭養來羈趁菊時南湖
清鏡裏明日欠君詩

江亭晚思二首

風煙醕酢費吟牋剩句殘章尚滿前際晚
奚囊收未盡一時寄在白鷗邊

有底江鷗不耐煩
月明連夜送詩還
沙頭接得重搜句
推與儂忙渠倒閑

鄭中卿惠蠮蟀

客窻不作候鯖夢
隨分魚鰕薦一杯
食指恠生連夜動
敲門郭索送詩來

埜塘秋鷺

玉立秋塘一振衣
竦肩莫是為尋詩
近來絕少元和樣
島瘦郊寒渠得之

紫笑

芳苞暗解紫羅囊
香殺東風一味狂
試問花神緣底笑
笑他鷓鴣爲春忙

過臨江

嘉定有八禩三月哉
生明史子脫吏鞅超
然若登瀛醜酒渡清江
風帆引歸程僮奴
忽報我重客來相迎
推篷驚且喜火急問
姓名云是遠近山江湖
舊有聲各欲贄韻

語藉手論交情倒屣延見之驩甚如平生
近山屬思久竚立詩未成意者事工緻一
字百鍊精遠山得句易犇走隨東征頗似
誇雋捷攬先求獻呈願予雖不敏嘗試與
子評自古文章士大率多相輕二君富丘
壑氣象俱崢嶸萬世所宗仰尹任夷之清
譬彼蘭與菊春媚或秋榮底用角遲速區
區尚爭衡端盍如奏雅迭和韶鈞鳴願言

醜嘉惠託身與去
齊盟扁舟劈箭飛
懷抱何由傾
感子意勤拳
寫作江上行

歸航

春岸移舟雪半消
長年忍冷轉塘坳
數聲鴉軋催歸艣
屬玉驚飛上柳梢

即事

翠屏珠幌水沉烟
日日春風醉筦絃
得似南湖老漁隱
短蓑銅斗白鷗前

聞笛

卸帆沽酒荻花村
水色天光淨不分
霜月淒涼何許笛
一聲吹裂洞庭雲

紅雪

金衣花裏驪春寒
桃杏墻頭正耐看
苦被東風愛裝景
借此紅雪打闌干

舟中

西風吹上木欄船
人訝今時李郭仙
一抹

煙光粘遠樹十分山翠滴晴川夕陽半在
寒鴉外秋色全歸過鴈邊縱有清詩費摹
寫楮生為我喚龍眠

翟簿示似中秋高作命意著語殆
與商素爭清讀至人與月忘年之
句不覺擊節借五言為韻賦詩答

謝

飲月漱吟齒心事何輪困醉舞影凌亂子

其謫僊人

老蟾挂青冥寒影墮秋渚流聲到楚澤千
古相溶與

露氣粟我膚棄捐掌中月高眼沒雲鴻澄
輝眇窮髮

天風來廣寒吹下雲錦裳雖無金錯刀緹
革余敢忘

歌子秋風疊誦子明月篇信有習鑿齒勝

讀書十年

按圖志去城而南有巖曰金紫昔
蕭千巖擅一世詩巖乾道間嘗寓
家郡之西湖意其必有題詠鑱之
崖壁一日訪之則了無所睹方重
爲此巖太息而別乘示似佳篇勉
之著語以紀其勝賦五十六字
去城不隔五七里雲竇誰鑿能恠竒石屋

盡頭天罅坼林柯缺處日光垂山禽上下
有餘樂僊鼠往來無勸時惜許千巖舊遊
所摩抄蘚壁欠渠詩

題清湘管善甫青雲樓

湘山詩眼兩爭高醉墨淋浪濕斗杓說似
元龍徹欄楯恐妨縱武上曾霄

晴江觀鴨

鴨鴨新晴出翠蒲春江水暖牙相呼避人

深入蒼烟去莫是喬僊雙履無

啜茗

夢騰午困嬾吟哦鼎沸槍旗不厭多戰退
睡魔三十里安知門外有詩魔

秋蘭三絕

葉葉低垂翠帶長花清榦瘦吐微香西風
劣相添寒色簇立蜻蜓凍欲僵

杜若江離汝弟兄楚騷經裏摠知名雖然

臭味略相似畢竟還他骨格清
砌蠟成花淺帶黃紫莖綠葉媚秋光不吟
尚自清羸甚恠得詩腰肯沈郎

簷滴

過雨秋簷不住聲敲盆滴砌帶詩清料渠
要學儂搜句旋疊平平仄仄平

陸放翁畫像

詩酒江南劍外身眼驚幻墨逼天真誰

不道君無對世上元來更有人

評詩

籌量節物細評詩詩要天然莫強為蛩韻
酸寒東野句鶻吟富貴小山詞

懷白石

秋堂風露夜沉沉賴有寒螿伴苦吟詩句
未蒼人自老十年山水負知音

雙清樓賦水雲分韻得齋字

湘水衡雲畫軸開天將此本勘詩才我無
健句可題品包寄江西曾擢齋

題劉君鼎臣盤谷圖

崖壁開張半幅慳權名人見若爲顏那知
別有真丘壑不在區區紙上山

懷歸

全家索米又邊頭冷落南湖一鏡秋了却
眼前兒女債買蓑煙際伴閑鷗

荷恩堂 邵陽

不才只合老林丘也玷斑行也典州慚愧
一家都飽暖 君恩海樣若爲醜

弔和靖

風林輓雪冷驚鴉來弔孤山處士家只有
寒泉欠秋菊一杯聊復薦梅花

菊

癖好秋光勸不回揮盃一盞買詩材寒花

也自矜前輩曾與

字如

柴桑保社來

萸

不入湘纍俎豆間也分半席綴詩壇杜陵
老眼明於鏡醉撚西風子細看

燕

管鮑交情已矣夫君看門上翟公書茅簷
不鄙頻來往叔末衣冠得似渠

寺中觀梅

慈尊宴坐衆香國環列毗耶彼上人老子
也措凡肉眼來瞻清淨法王身

雲山詩境

天公收畫底論錢借與山人換樣看雲巘
浮春晴障暖烟崖積雪曉屏寒平林淡抹
精神嫵小景橫陳氣象寬定自米家船上
買不然那得許多般

鳩

著詩催得雨垂垂
連累林鳩逐婦歸
為汝賦晴休怨望
自今已後免分飛

蛩蟹

聲作飢鳶吟未休
蛩蟹鬪合賦清秋
被他聒得渾無句
獨力難勝衆楚咻

和黃雲夫武攸見寄韻

詩名千古杜陵翁
身不勝窮道不窮
編簡湛酣君有味
江山彈壓我無功
穉涼庭院

梧桐雨晚照陂塘蓼荻風如此秋光欠料
理故人緣底尚東蒙

大閱

擐甲邊城教即戎三軍錦繡曉光中影搖
瀆水旌旗動聲震文山鼓角雄馬慣揮戈
翻塞雪鴈驚鳴鏑響天風十行忍負
君王意同向燕然勒雋功

次韻黃倅喜雨

喚起神龍澤楚鄉
午天轉首失炎光
恠生未到秋深處
早去有蕭蕭葉響廊

六亭為邵陽登覽之勝
識其名於千巖之詩稔矣
廼今僅存其一
方欲次第尋訪
臣仍舊貫不謂薄領
得我心之所同然
春容大篇率先
作倡而令君和章
亦復繼至
閱免賡酢用肩吾人
相與祈成之意

晨光泣露華秋聲亂風葉翛然步中庭詩
瘦單衣怯塵銷玉宇淨西爽浮雙睫圍繞
簿書叢頗覺汗欲浹吏散仍心清窻泛鑪
香泥生平者幽討此意若為愜滄浪楚名
郡江澄山鬼業流派瀟湘分氣脉衡廬接
四序春無邊萬象光有擘閣東范寬手天
開畫屏摺怡融田塾間夫耕而婦饁林雞
鳴喈喈沙禽墮跼跼千里趨農桑渠肯事

游俠不晚刈黃雲腰鎌忙劫劫年豐多暇
時陳迹旋搜獵六亭僅一存感慨思足躡
訪古亟臨眺樂此忘疲芥騰身一柱峯頻
首百雉堞懷哉千巖翁騷壇未易躡晝覽
五言城中宵勞夢蝶詞鋒摧泰華疇敢櫻
其缺有來二妙吟驪珠粲盈笈格律守蕭
規欲和可容輒荒園竚更新成趣期日涉
舊貫仍追還輪奐頓增燁繡谷酒一尊杏

岡琴三疊蒼雪清肺肝寒碧漱牙頰凌虛
及遐觀崇成賴謀叶廢興端有數鮮裳換
須捷公餘約遨嬉倘不負隨牒

僧窻

朝市跋跋走利名道人許樣不關情西窻
夢破梅花曉敲月數聲鐘磬清

賦鴈

雲慘胡天勸客程西風失喜到江城自傳

屬國書來後獵獵聲名動漢京

通守黃子說解印造朝之日江梅
輒花天其或者以相行色耶取風
人託物之義賦詩餞別致繾綣意

鷓鴣霜明欺曉色一笑巡欄梅摘索犯寒
小隊出郊垌攀折南枝餞行客此客端的
梅樣清秋水爲神月爲魄瑤葩粲日耿林
園玉樹凌空挺標格懸知僊種出閩嶠分

得幽姿來楚澤蘼蕪蘅芷遜孤芳萬綠千
紅俱避席共惟別駕東閣郎戰退膏梁凜
冰檠流傳好語到前村是誰不道君清白
手調金鼎升廟廊穩繼大門名烜赫竭來
得此歲寒友氣味深長殊莫逆相期嚼蕊
吐瑰詞更擬浮香醉瓊液天飈吹起朝玉
皇香案前頭頽咫尺回班爛熳賞西湖不
妨頻著孤山履明朝風月半淒涼老我滄

浪尚萍迹滿城雅耆重相思江路攀轅累
千百歸驄躡雪度關山有句先春寄來驛

登鴈峯

句揮毫手不停 鴈

旁觀偷筆法倉忙書破楚天青

溪橋

凍吟肩聳學劉義癡坐山房井底蛙財過
溪橋風景別淡烟和月罩梅花

絕湖

一湖春綠萬山圍
著我蘭舟自在飛
老子行藏有神助
順風出去順風歸

讀楚騷

一蕊青銜手自挑
霜風木葉下亭臯
篆香銷盡寒灰塌
細嚼梅花味楚騷

郡圃紅白蓮競放
斐然短歌呈似
席間諸丈

東園水亭良佳哉紅白藕花前後開千機
織就雲錦段萬玉琢成風露杯南隣女兒
學濃抹強嫌傅粉無豔色北隣女兒學澹
糝剛道施朱澆天質紅兒雪兒俱絕竒安
用底苦相嘲嗤道人明眼付一笑綠尊喚
客花前嬉

題湘西廖次高水南真趣

買他磐石作比隣誰道風煙不屬君占斷

好山猶可在無端吞併一江雲

王令君惠示用少陵韻奉和

邵陵壁立三竒峯溫泉雲山接長龍西北
谿訝幾崖谷煙霏深瑣文僊屋黃冠禱雨
躡瑤壇鏘然環珮松風寒阿香驅雷天地
轉靈虬激水瀟湘翻將迎鶴馭誰來往惻
惻勤民賢令長已欣一稔寬百憂更讀君
詩毛骨爽

題臨川晏子直百花林

溪園歌筦日紛紛
錦繡香中扶醉人
斗酒不嫌呼李白
倩渠品藻一林春

寄愷齋弟

鷗鷺逢人問歸信
三年作客負滄洲
詩袍醉帽黃埃底
羞見扶風馬少游

繡衣行送趙道中寺丞

東門祖帳何駢闐
繡衣使者發汝川
星軺

未遠竹坡側風采已馳梅領邊潢池帶刀
吾赤子威信憑渠半幅紙寸兵尺鐵曾不
煩坐令悔悟安田里化頑一日歸吾仁此
特細事胡足云頻年慘慘楚氛惡旱潦呼
天天莫聞民湏粒食竝無粟非公誰捄溝
壑辱傾困倒廩不遐遺十一州人均穀腹
安得天下使者心公心盡變愁歎為謳吟
君不見鄉來使蜀韓忠獻起危饑民七百

萬又不見傅公擁節京西時獄訟不苛傳
經典公今陰德能穹宥活人手段如兩翁
于嗟活人手段如兩翁名位它日將無同

賦桂隱用王從周 鐫韻

詩禪在在談風月未抵江西龍象窟爾來
結習蓮社叢誰歟超出行輩中我知桂隱
傳衣處玄機參透涪仙句蕭蕭吟鬢天風
吹有酒喚客斟酌之渠伊放浪真達者詩

成醉臥清陰下只恐香名吹上天不容花
底長陶然

次韻陳慈明五絕句

幾年枉挂右丞圖未辦家山瓜芋區騎馬
紅塵歸計晚逢人囁囁話江湖

小春梅玉點煙村花信從今第一番緣底
吟窻印踈影稍稍偃月破黃昏

南湖經雨綠瀰漫偏照詩人兩眼寒一笑

鷗邊時獨速吟魂飛不到愁端

買得湖陰數頃秋
斬新窻戶俯清流
了無俗子溷人意
況有青尊澆客愁

羨子尋詩盟未寒
鼎來健句壓還還
不妨小緩丹霄步
雨笠烟蓑伴我閑

次韻王令君禱雨用杜草堂韻

疲眩吾所矜可忍
浚膏血每事旣厥心
其敢憚煩屑旱魃偶
挺裁慨念腸欲熱
牋天

走羣望精神重
澡雪一兩斗
清涼炎歎隨
蕩滅多稼復
如雲指日看
秀結感通翻
覆手田里洗
愁絕禱崇荷
同寅肝膽無
楚越

邵陽郡圃梅坡

粲玉梢頭出
小亭忍寒索
笑太清生
楚山活脫青
屏樣影得
踈花分外明

和黃倅懷歸

鴈聲切切楚鄉來
似喚秋光入酒杯
好景

欠人同歷覽歸程爲我小遲回一天風月
詩囊富千里江山畫軸開祇恐黃華簪未
了日邊丹檢已相催

題蕭氏竹坡

鮮碧緣坡古徑深夜牕風雨作龍吟自從
八葉傳芳後數到孫枝玉滿林

讀千巖續藁

詩老毫端別有春巖前草木也精神錦囊

留得靈犀在辟盡人間俗子塵

丁丑歲中秋日劬農於城南得五

絕句

楚俗秋來也勸耕西風招我出郊坰此行
不負尋詩眼隊隊雲山擁畫屏

說似田家好著忙賸培宿麥接青黃定知
不落薰風後萬壟晴催鬻餅香

人事當先莫靠天蚤修陂堰貯清泉來年

未必晴明夕萬一晴明漑得田

家家童穉笑迎門接得翁歸酒半醺鄰舍
相呼來屋裏聽翁解說勸農文

篋輿幸自到山南尚有清杯可共銜何似
更行三二里大家相伴看雲蟲

送武岡法曹江叔文

赭烏噴曉金溶溶入簷漲帽梅花風寒香
喚我度籬落蹋破蘚碧巡芳叢彌襟清興

不可柰甕雲渴想佳人同長須急走喘且
汗曰有重客過匆匆撐犁頗亦眷岑絕疑
音滿尉迓虛空出門一粲輒傾蓋巖電爛
爛驚王戎長牋銜袖照屋壁明珠大貝來
龍宮建安昔者富竒士迄今代有文章公
兒童慣見此客否氣象盡求古人中翻思
槐市出處異一官何幸俱湘東夜闌秉燭
浮大白款接軟語春怡融公車薦墨行蜚

動騰身穩去陪鴛鴦得時要不負所學鼎
鼎事業摩蒼穹平生琢句肯浪與持此餞
別今文通

靜吟

居官役役簿書間及到家山困往還若欲
靜吟無俗累筭來却是客中閑

小軒窠石

窠傍軒窻開小池巧安窠石俯清漪道人

不愛閑花草祇種薜蘿和水榭

和邵陽張茂才青蓮花韻

清標別是一家春風帽飄飄翠染勻貪向
波間弄明月謫僊居士 前身

昨夜羣僊宴十洲再三招我伴清游酒酣
忽跨長鯨去碧玉杯盤散不收

贈蘇道士

一卷麻衣易洗心絃琴山水是知音有時

槃礴晴窗下
隨手雲煙噴
曉林

雨中覓句

春鋤似厭覓詩材
飛向溪心喚不回
賴有漁翁相尉薦
雨中撐得一篇來

過梅塢

此老曾襟玉雪清
逃禪畫裏著
郊亭箇般雅淡
須吾輩俗子何曾有半星

題它山善政侯廟

粲曉輕舠掠水飛
趁閑來款長官祠
雲巒著色四時畫
石瀨有聲千古詩
華黍幾沾膏澤潤
甘棠長起後人思
渠伊不盡為霖意
除却梅龍誰得知

竹所夜思

保社荒寒欠主盟
此君却解以詩鳴
風牕滿耳吟秋句
比似儂詩渠更清

再次王宰翟簿喜雨聯句韻

早魃重爲妖點雨如點血一念神所矜蜚
廉變騷屑靈螭卷天河千里洗袪熱二妙
喜欲顛飲豪賡白雪雲煙落溪藤傳玩幾
漫滅韓孟不可作吟社誰與結賴有飛鳧
僊鸞棲等超絕娛我清廟音熏蕤聽疏越

妙峯亭晚望

峭峯頂上著危亭四面山開雲錦屏
穠淡淺深多變態天公浪費幾丹青

次韻黃貳車三絕句

菩提坊裏著詩豪
佳木繁陰暑易逃
不用移文勒回駕
箇中境界儘清高

對北山

我本無心山上山
隨風聊復過滄灣
等閑償了爲霖願
却歛神功紫翠間

雲

了却文書可是癡
幅巾行散任風吹
揮毫颯颯詩驚雨
灑面蕭蕭雨送詩

喜雨

賦棲真觀月季

茶鄉從吏訪樓真闖戶蒿紅絕可人不逐
羣芳更代謝一生享用四時春

六亭

我不能如叔子登峴首名配此山垂不朽
又不能如少陵登吹臺酒酣懷古曾崔嵬
但見穹崖翠阜清絕處愛此出奇不盡之
詩材邵陽城中景何好峻屏四面森圍繞
西南諸峯尤蔚然地接衡廬青未了天將

圖畫開湘壑雲木羅立呈鮮妍上有蟬聯
百雉之粉堞下有鱗差萬瓦之晴烟人指
山形似龍躍繡谷崢嶸露頭角遐觀捧出
額底珠背負凌虛勢騰蹕一爪突起扶杏
岡一爪盤踞蒼雪傍翹尾蜿蜒卷寒碧便
擬為霖蘇八荒老我躋攀興不淺醉吟拍
拍詩瓢滿祇言此樂與人同誰子看山能
具眼

詩禪

詩家活法類禪機
悟處工夫誰得知
尋著這些關
接子國風雅頌不難追

吟天

流水孤村三兩家
夕陽牛背載寒鴉
扶筇笑入梅花去
箇樣吟天嘉不嘉

東林雲上人見過

瘦藤十載別康廬
五老山中安穩無
霜後

詩禪來訪我爲言面目帶清臞

西風

幹了巖犀奔拒霜又催茱菊趁重陽
白蘋紅蓼倉黃染冷笑西風有底忙

木犀

一段長長空窈窕秋暑鞭芙菊尚包暑撓先
飽綻黃金粟不落西風第二籌

壽藤伴我倚秋風老去無詩意轉慵只是

看花非覓句清香錯認惱沖龍

觀畫

江山梅竹好精神漁父畦丁也逼真終是
有些堪恨處畫中更欠著詩人

次鄔文伯城南夜歸韻

孤嶼清江落木天十分詩思滿歸船巖犀
糝載香浮鼻一味書牕惱夜眠

送陳法曹文卿兼東松窻

幸無風雨窘重陽且喚龍丘倒菊觴
糜樣交情愁隔闕酒般歸興笑犇忙
郎君足下雲霄近阿母堂前日月長
若見南閩舊同社爲言詩鬢已蒼浪

偶述

農忻膏澤了春耕客免深泥阻去程
日裏放晴終夜雨天公兩下做人情

送蘇道士

七十懼僊鬢未秋肯來爲我說真休歸歟
恐負青山約跨鶴吹笙挽不留

懷歸

倚閣南湖一釣舟西風將夢到鄉州蛙蠅
名利苦多事薄有田園歸去休

訪孤山

曾把梅詩細品題逋僊去後可容追君看
踈影暗香句二百年來無此詩

霜柳

十分冬暖學春華
嫋嫋垂楊映日斜
一色淡黃霜染就
看來祇欠帶棲鴉

燈夕

東風劫劫趁芳辰
調柳唆梅著處新
翠筦聲中千里月
銀花影裏萬家春
樓臺拚飲夜不夜
羅綺飄香人看人
抖擻吟懷歌樂歲
江山分外長精神

老境

老境尋詩一字無
錦囊枵腹怨奚奴
多君俎豆庚桑子
不省今吾非故吾

再入湖南境

我本人閒有髮僧
只堪林下續傳燈
君恩強遣司民社
千里江山笑不能

暑夕汎月次王令君韻

趁涼延客早待月
放船遲河朔一尊酒
湘

干六月時鷺喉翻白紵兔穎掃烏絲羨殺
王明府長城五字詩

吟社有如此終當讓一頭功名吾已晚富
貴子何愁努力看書最偷閑且拍浮清游
未可負只尺荻花秋

無詩

合向青林岸幅巾却來闌裏著吟身竹君
門外私相語兩日無詩羞殺人

周晦叔所宅之左一坡隱然而高
有竹萬箇架小軒於翠霧蒼雪間
日彈琴讀書其下軒外鳴泉清駛
若與弦誦之聲相答愛其境勝爲
賦一絕

竹根碧澗落寒聲竹外雙溪抵鏡明滿袖
天風吟不徹坡頭直有許多清

浮驂

天淨風平水不痕浮驂帶雪繫籬根欺寒
酒興崢嶸甚又訪梅花過別村

書蘇道士江行圖後

叟也胸中天地寬雲烟袞袞出毫端如何
萬里經行處不費晴窻半日看

詩酒漂零自在身吳檣楚柁往來頻拂開
數匹臨川紙一一江山是故人
飄然雲鶴老江湖匠出煙波絕世無一見

昏眸爲渠豁半生空挂輞川圖

有惠廬山圖者

生平巖岫飽躋攀忽得雲巒挂壁間不怕
老來無脚力閉門端坐看廬山

香澗老衲示似玉林首倡極道竹
溪宴月之樂玉林勉以屬和

長松翠竹拱晴波不飲其如月色何珍重

阿連能好事高軒携酒夜深過

孤令青蓮欠所親
月邊和影是三人
何如洗醜溪光裏
弟勸兄疇汎玉輪

琮上人以詩惠茶筍

解道碧雲句
三生湯惠休
試春輟鷹爪
斲雨餉猫頭
夢境可容到
饒涎那復流
舌端吾薦取
倘不負珍投

又次韻楊梅三絕句

財到南村六月時
象象紅紫玉低垂
筠籠

送似露猶濕更費支郎七字詩

桃李漫山等俗流諸楊汝是荔支儔當時
若貢長生殿又得真妃笑點頭

釀蜜搓成絳雪團莫嫌風味欠儒酸此詩
此果君知麼一樣驪珠粲玉盤

和翟主簿

太史騷壇峙豫章詩豪角立壯顏行遺風
凜凜清人骨飛露娟娟灑我裳五字碩慚

非應物一燈今幸屬仇香玉堂蚤晚須掾
筆快寫平生錦繡腸

催花

梅怨霜欺春未知商量著蕊尚遲疑戲將
詩句催花看催得花開轉費詩

看李成畫

巖壑蟠曾秦太虛輞川一見病全甦可愁
地僻無醫藥繞屋營丘山水圖

木犀重開

不見巖犀整一秋
厭厭對我訴清愁
公筵餘瀝何曾見
兩度開花只暗投

曉發巖瀨舟中和戴叔振韻

子陵灘下放船開
老我經行知幾回
別岸春鉏殊解事
衝煙冉冉送詩來

丫頭巖

山前露立幾時休
老大垂髫羞不羞
與汝

雲冠別梳洗免教人喚作讀白丫頭

題兩巖丫頭月巖

月殿雙鬟整鏡臺俄然拂下玉梳來失驚
怕觸姮娥怒走奔人間不敢回

新喻道上

翠分濃淡山開畫紅暈淺深花弄糝詩料
自來尋老子句成渾不費思量

和潘帳幹二首

洋洋雅頌幾遺篇刪後求詩類一偏直下
謝陶能出手就中李杜亦差肩多君句好
堪呈佛老我時來未得僊兩地河山費遠
翔唵窻何日勘塵編

鐵研磨穿志未伸也叨朝蹟也臨民九關
猶記釣天夢一舸重尋湘水春自笑裝懷
多恹惚從知滿腹欠精神調高郢曲終難
和羞殺歛歌籥後塵

次韻觀音寺訪木犀已過

金粟如來翠葆中天香飄愼梵王宮西風
一帚無留跡印證浮生色是空

林園

情知天也眷詩人借與林園別樣春竹影
因風多態度梅花得月更精神

炊烟

絲絲古柳網羅鴉拍拍平田鼓吹鼃不是

青烟出林杪得知山崦有人家

鷺斯馬林

驛路逢梅香滿襟携家又過鷺斯馬林含風
野水琉璃軟沐雨春山翡翠深

閑居

山雲送我丹青幅花氣撩人蘭麝香詩債
幸然逢入務被渠催索又犇忙

嬾不作詩覺文房四友俱有愠色

謾賦

一毛不拔管城子冷眼相看石丈人急性
陳玄楮居士未分皁白也生嗔

過楮洲行散

羊腸歸路若為程財過楮洲掌樣平客舍
籠煙炊早頓田家帶月唱春耕青林綠水
畫千尺白鷺烏鳶棋一枰坐倦筍輿呼穉
子野花迳裏說詩行

贈臨汝曾醫士

有客譚醫驚四座
指下玄微應識破
藥市棲遲三十年
安知不是伯休那

孤山

孤山數幅古名畫
著在暗香踈影邊
不是逋僊有梅癖
梅花清韻似逋僊

春莫同社會飲張園小樓分韻得

飛字

殘紅委地水平池楊柳陰陰鶯亂飛山色
滿樓新雨後一簾風絮卷春歸

參政宣獻樓公挽歌辭

欲知天意屬英竒端爲斯文待發揮挺挺
魏暮祖風烈堂堂伏湛國光輝夕參機政
儒臣貴未到公台物論遠丹旒東風馬鞍
裊送車誰不渡襟衣

子公書問走輿臺公獨山林挽不回人道

旬瑜須徑去誰知李泌却重來傳芳謝砌
芝蘭粲在處膺門桃李開無媿可攻心事
好底教生死不榮哀

無邊膏馥丐儒林可但天台擲地金文不
凋鏤翻婉切詩如平淡實高深春風和氣
生毫末秋月華星爛古今所發由來關所
養丹青難狀晉公心

耆英續續闕重泉好在靈光獨巋然入侍

已成鴻鵠羽退休俄值白雞年傷心藏笈
書無恙盥手開絨墨尚鮮刮目相期良不
薄可無斗酒奠橋玄

庵居

倒影晴溪蘸碧峯庵居活計儘從容
懶能著眼看時事相約梅花住過冬

伊誰

伊誰闖我小牕關偷却西樓一面山
醉語

白雲猜是汝秋風出意急追還

和叔振曉上梅坡小亭

巡欄詩袖漲寒香日灸南枝泣曉霜淨洗
宮糴轉明潔恰如湯餅試何郎

六亭宴雪

雪天領客倚清狂戰退玄冥酒百缸柳絮
輞風粘凍壁梨花撒雨響寒牕瓊田隱隱
迷翹鷺玉砌狺狺走吠奄一稔明年寬萬

慮更催三白瑞濱江

喜閑

過眼光陰髮樣多幾年客路歎犇波已拋
南楚雲千嶂旋買東湖雨一蓑好景賸將
詩料理閑愁全靠酒消磨如今世事都看
破冷笑侯王夢螻窠

紙帳

高臥羲皇萬慮空吟懷剝落香無蹤恨渠

紙帳關詩夢勾引梅卷攪一冬

十里

十里樵風自一村
草庵挨拶小林園
霜嚴古木正當路
玉立晴峯新表門
詩境銷磨閑日月
醉鄉整頓別乾坤
浮名浮利非吾願
時把黃庭漱六根

再賦晏子直百花林

為報風流元獻家
丁寧百卉駐春華
儂歸

載酒溪園去一首詩吟一種花

溪流

誰障溪流貼岸邊若為挽得上高田機甬
卷起傾橫視豎視盛來水接連

弔湘纍

莫訝靈均苦費詞騷章炳炳日星垂身雖
楚澤有遺恨名與湘流無盡期一笑底關
漁父事此心惟有洛陽知是非付與羣鷗

判不上先生弔古詩

夜窻書事

一燼銀鐙兩架書十年伴我夜窻虛不因
見性明心後定自人呼作蠹魚

送鄔文伯歸侍臨川二首

莫管東風歸路長但將綺句答春光候門
兒女應相訝滿袖離騷草木香

易學寥寥一綫然誰人口裏說先天近來

惟有朴齋老白首焚薌尚草玄

楚望

樓上詩聲繚屋梁樓前寒葉舞秋光明霞
點破莫江碧斷鴈叫羣鷺夕陽

邵陽界上同友人山行


社宇聲中歷翠微澗泉泱泱瀉幽竒與君
笑入白雲去拄杖前頭儘是詩

醴陵道上飲別故人被酒困坐竹

輿因賦

雞聲催起度江鄉
病酒無慘客路長
掩上轎窻無隻句
著何面目見春光

友林乙藁





山家



出山采翠微
畫日与雲依
自是塵寰遠
無人質是誰



寒雲秘笈
珍藪之印

史安鄉詩集字彙之志不著錄意當時甲乙
稿合刻不止百七十首以乙彙勵存實人乃刻跋
中數目字偽作損狀墨筆改填百七十首彙充完
帙又移跋作序遂不得不撤棄末葉跋跋者姓氏
年月都不得傳此固賈人之過亦自來刻書者斤
較量完缺有序無序之過也自覆本據填字上板顧
賦黃注又未聲言其深四庫而下如韻宗漢喜結一
諸藏書家遂人之自以為得隋侯之珠其實二
百年来曾不見有與此填字歧異之本覆刻其黃

藏先後同此一快恐海內更無第二本矣第覆本
亦帛費中郎精懸可愛願吾抱存慎勿揚言此事
令錢聽默候駝子之流聞之又損卻無教美書也

乙卯白露後五日德化李盛鐸



洪憲元年二月十九日長沙章華儀徵陳延韓敬觀

華陽高世英敬觀



杞步翔芬吳興徐鴻寶敬觀

南陵徐世翔敬觀

百宋一庫賦中書予所藏惟此一帙今又於吳縣
 顧氏家見手揮唐錄三馬首有孫子滿僧堯
 翁小像亦希世寶也今已溢百宋將作後百宋
 賦以紀古緣近世幾恒切大蓋籍僅存歲餘
 竟集精力交疲較之前人難易實殊而嗜之
 深求之切此志嘗不讓前人丙辰三月十九日重遊
 玉泉信宿山舍 桃鏡辰讀信年題記寒雲

百宋賦中書此於湘南又復初本無我詩二冊題詠琳琅為
 予藏百宋唐遺書之冠也凡讀書志有友林詩藁二馬前
 序三首雖未言有跋 叔微師謂移跋作序信可敬也
 丁巳元旦寒空記於上海後百宋一庫時年二十二八
 史弥寧字安卿嘉定中以國公舍生之禍避居春坊事帶閣門
 宣贊舍人知都陽此書為史氏家刻故寧字缺末筆詩



其原者蓋有三舅朱文方印疑是安卿之子印刊此書者
此印較天錫印尤古必字人無疑尾葉題詩与何藏郭天
錫仿朱永軸題字同則天錫改藏印必郭氏非薛氏也
予因慕老翁為人真獲其遺藏故名藏書之室曰後百
宋一廬近之予錢見而陋之為予刻印影且題其額曰
酌字書藏予藏字本書雖已盈逾百却未盈酌曷敢妄
自張誇然多予子之厚情也易名曰百宋書藏以紀不忘已
覺慙顏之甚者矣元旦後一日寒密又記

敘係乾道癸巳父惠帥閩城以庠序諸生蒙眛則城蓋閩人
乾道癸巳下距嘉定六年癸酉四十年敘係後四十年乃得親炙
春坊領閣公之幕下與郡齋讀書志所云彌寧以國子生莊春
坊事節閣門宣贊舍人嘉定中知邵陽合則彌寧之知邵陽在
嘉定六年係中有丁丑歲中秋日勸棗城南詩系在邵陽作丁丑
為嘉定十年則彌寧嘉定十年為未去邵陽任敘當作于此時
係中有謝鄭中卿惠蠶蟀詩按中卿名域閩縣人號松窗淳
熙十一年進士慶元中曾隨張貴謨使宦著燕台剽聞三卷累
官幹辦諸軍糧料院見宋詩紀事福建通志選舉表則
敘為鄭域所作無疑也敘之書澹典全書同尚以域手書上版
者已開林吉人書鈍翁文鈔漁洋精華錄之先路矣

右節鈔儀顧堂題詞因於原跋人之姓字考據
有闕其實陸氏所藏為明霞本現滯東洋
寒雲言之詳矣華陽國士錄畢珪記

鄭跋中腕為之脫應止一句藁竊兩字屬上層下
俱覺費解似係填手訛誤當付印時恐汗原
本未印註明因記于此尚同又書



宋史安卿舍人

汝寧

所撰友林詩稿甲亡

而乙卷僅存自明訖今皆由改板之本

輟轉覆刻莫知其誤宋槧今蹟屬經

劫遺海內無幾其一向為黃堯翁士礼

居所藏凡有剞填跋中諸字墨跡

顯然偽謬如著猶惜原書不能人

盡觀耳余友袁寒雲既得黃氏藏

本審定精瑯尤珍秘之不輕示人於夏

北新留書滙上託余經紀其家因取
以付良工摹印二百部流傳當世藉
使學士大夫復見古書真面是則余
於友朋珍品雖冒擅假之嫌而此舉
於前賢著述及藝林考據亦未嘗無
少裨益也以此寄語寒雲將喜而對
而莞爾乎丁巳十月華陽園士跋日本
東京佐藤知恭書



刊 期 單

84-3

1971.11.15

國立臺灣大學圖書館

國立臺灣大學圖書館

分類號

547.457.5013

登錄號

557350



